



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-23-36539/18 MM
Sarajevo, 21.12.2018. godine

Na osnovu člana 26. i 28. stav 2 Zakona o Vladi Kantona Sarajevo ("Službene novine Kantona Sarajevo" br. 36/14 - Novi prečišćeni tekst i 37/14 – Ispravka), poglavlja V tačka 2. i poglavlja VI tačka 2. Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", broj 4/17) i Izmjena i dopuna Plana interventnih mjera u slučajevima prekomjerne zagađenosti zraka u Kantonu Sarajevo, usvojenih na sjednici Vlade Kantona Sarajevo dana 20.12.2018. godine, Operativni štab donosi:

ODLUKU

I

Proglašava se Druga epizoda "**Upozorenje**" povećanih koncentracija zagađujućih materija u zraku u Kantonu Sarajevo.

II

Mjere koje treba preduzimati u okviru epizode "Upozorenje" su slijedeće:

- Ograničava se rad postrojenja za proizvodnju toplotne energije snage preko 50kW koja koriste čvrsta goriva i lož ulja u smislu smanjenja temperature za minimalno 3°C, promjene energenta za produkciju toplote prelaskom na ekološki prihvatljivije, u skladu sa raspoloživim mogućnostima, ograničavanje broja radnih sati ili na drugi način, uz pojačan inspeksijski nadzor,
- Upozorenje da sva postrojenja za proizvodnju toplotne energije snage preko 10 MW koja koriste prirodni gas, smanje temperaturu u prostorima koje zagrijavaju za minimalno 2°C,
- Osiguravanje protoka motornih vozila bez dužeg zadržavanja na glavnim gradskim raskrsnicama putem znakova i naredbi koje daju ovlaštena policijska lica MUP-a Kantona Sarajevo na glavnoj gradskoj saobraćajnici od Bašćaršije do Ilidže.
- Upotreba sredstava za obaranje čestica prašine PM₁₀ od strane komunalnih preduzeća i drugih pravnih lica, koja vrše zimsko održavanje cesta,
- Zabrana izvođenja grubih građevinskih radova na otvorenom i zatvorenom prostoru, osim u slučaju hitnih intervencija,



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



- Zabrana kretanja automobila (na potezu glavne saobraćajnice Bašćaršija- Ilidža u oba smjera), čiji benzinski motori imaju normu EURO2 i manju ili dizel motori normu EURO3 i manju, uz pojačane kontrole prometne inspekcije uz asistenciju organa MUP-a, te zabrana kretanja teretnih vozila čiji motori imaju normu manju od EURO3. Ovo se ne odnosi na električna i hibridna vozila, vozila na plin, vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila sa diplomatskim tablicama, vozila invalidnih lica, taxi vozila i vozila hitnih intervencija (civilne zaštite, hitne pomoći, vatrogasaca),
- Zabrana održavanja organizovanih sportskih i kulturnih aktivnosti za uzraste mlađe od osamnaest (18) godina na otvorenom prostoru, u cilju smanjenja kretanja i izlaganja stanovništva štetnim materijama,
- Maksimalno povećanje kapaciteta sredstava javnog gradskog prevoza, koji ne zagađuju okoliš (trolejbusi i tramvaji), uz maksimalno smanjenje vozila čiji motori imaju normu manju od Euro 3.

III

Pored mjera iz Tačke II ove Odluke, na snazi su i slijedeće mjere iz Prve epizode Plana – "Pripravnost" ":

- Intenziviranje aktivnosti komunalnih preduzeća i drugih pravnih lica koji vrše redovno (mehaničko i ručno čišćenje i pranje cesta), kao i zimsko održavanje cesta uz upotrebu "mokrog postupka", radi smanjenja emisija prašine,
- Intenziviranje aktivnosti komunalnih preduzeća i drugih pravnih lica na čišćenju javnih površina u smislu Zakona o komunalnoj čistoći,
- Poziv pravnim licima da u zavisnosti od svojih mogućnosti izvrše pomjeranje početka radnog vremena, kako bi se doprinijelo rasterećenju kapaciteta javnog gradskog prevoza i gradskih saobraćajnica,
- Zabrana saobraćaja za teretna motorna vozila čija je najveća dozvoljena masa preko 3,5 tone na glavnom gradskom longitudinalnom pravcu na potezu od Bašćaršije do Nedžarića sa preusmjerenjem saobraćaja na alternativne pravce kretanja, Tehnička regulacija saobraćaja za vrijeme zabrana vršit će se privremenom saobraćajnom signalizacijom i opremom, znacima i naredbama koje daju ovlaštena policijska lica MUP-a Kantona Sarajevo. Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna vozila za prehrambene proizvode. Za vrijeme trajanja zabrane saobraćaja, upravitelji cesta su dužni svaki iz svoje nadležnosti izvršiti postavljanje privremene saobraćajne signalizacije i opreme, uključujući i održavanje iste.
- Upozorenje da je kažnjivo svako spaljivanje otpada u kućanstvima i pozivanje, da se u slučaju sumnje, takva nedozvoljena postupanja prijave na Eko-telefon br. 033/66 00 00 ili telefon Kantonalnog operativnog centra civilne zaštite br: 121, radi daljnijeg djelovanja nadležnih inspekcija općina i Kantona,
- Upozorenje stanovništvu da svojim ponašanjem i aktivnostima dodatno ne doprinose zagađenju zraka,
- Apeli vozačima za racionalno i odgovorno korištenja privatnih automobila,
- Pojačan inspekcijski nadzor nad gradilištima,



web: <http://mpz.ks.gov.ba>
 e-mail: mpz@mpz.ks.gov.ba
 Tel: + 387 (0) 33 562-029,
 Fax: + 387 (0) 33 562-031

Sarajevo, Reisa Džemaludina Čauševića 1



- Upozorenje rizičnim grupama stanovništva za smanjenje kretanja,
- Upozorenje osnovnim i srednjim školama u Kantonu Sarajevo, da djeca ne borave na otvorenom prostoru van zgrade škole za vrijeme velikih i malih odmora, kao i da se časovi tjelesnog odgoja ne odvijaju u dvorištu škole,
- Zabranjuje se bilo kakvo loženje vatre na otvorenom prostoru.

IV


Odluka stupa na snagu danom donošenja.

O b r a z l o ž e n j e

Operativni štab Vlade Kantona je, na osnovu Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", broj 4/17) i Izmjena i dopuna Plana interventnih mjera u slučajevima prekomjerne zagađenosti zraka u Kantonu Sarajevo, usvojenih na sjednici Vlade Kantona Sarajevo dana 20.12.2018. godine, proglasio Drugu epizodu "Upozorenje" povećanih koncentracija zagađujućih materija u zraku.

Na osnovu procjena budućeg stanja, Operativni štab se opredijelio za proglašenje Druge epizode "Upozorenje", uz dio mjera iz Treće epizode "Uzbuna", imajući u vidu da slijede dani vikenda. U narednim danima će se, u skladu sa situacijom, poduzimati dodatne mjere ukoliko se nastavi trend rasta zagađujućih materija u zraku.

Imajući u vidu navedeno, odlučeno je kao u dispozitivu ove Odluke.



**PREDSJEDNIK
OPERATIVNOG ŠTABA**
[Signature]
Cedomir Lukić, dipl. ing. arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

